


13
IO. HERMANNI BENNER
SS. THEOL. DOCTORIS ET PROFESS. ORDINARIJ
SVPERINT. ET PAEDAGOGIARCHAE

N O X A
CATECHETICA
ZINZENDORFIANA

Oder:

Zinzendorfscher
Catechismus = Sift,
LOCIS QVIBVSDAM OBSERVATA.



GISSAE, APVD E. H. LAMMERS, ACAD. TYPOGR.
A. O. R. M DCC XLIII.

THE UNIVERSITY OF
CHICAGO
LIBRARY
OF THE
UNIVERSITY OF CHICAGO
LIBRARY

1922
JAN 10 1922
JAN 10 1922
JAN 10 1922



THE UNIVERSITY OF CHICAGO LIBRARY

508 EAST HALL, CHICAGO, ILL.

TEL. 527-2100



§. I.

PRODIIT, anno superiore, noua *catecheseos*
ZINZENDORFIANAE * forma. Quam
a quisquiliis prioribus haud quaquam
repurgarunt. Nullum fere doctrinae caput
sanum adparet. Vbique, vel imprudentiae,
vel errorum vestigia ** cernuntur.

* Eximie collaudat hunc libellum *Episcopus olim*
fratrum Morauorum D. E. IABLONSKY, epistola ad
illustr. comitem ZINZENDORFIVM, quam exhibent
Büding. Sammlungen part. V. p. 693. Et comes ipse,
Büd. Saml. part. III. p. 318. part. V. p. 656. vbi dicit:
Unser Catechismus ist nichts anders, als was die Schrift
bisher auch gewesen. Ibid. part. II. p. 188. & p. 194. haec
leguntur: Ist das Lehrbüchlein vom Grafen von Zinzen-
dorf, so hat ers gewiß im Gehorsam geschrieben, daß er
desen Editioni zum wenigsten XV. Monat aufgehalten
nachdem es schon fertig gewesen, ist allen Arbeitern der
Gemeine bekannt. Quocirca tanta est fratribus ab
Herrenbutbo fiducia, vt hunc libellum, tanquam cae-

lo demissam salutis cynosuram, spargant atque disseminent quam late possunt. Id quoniam in hac ipsa contigit academia, ubi ipsis adeo SS. theologiae studiosis, ille fetus, adiuncto osculo fraterno, arrhae instar datus fuit: non potui, quin haec pauca, promuneris ratione, explicarem.

•• Legemus quaedam in transitu: pag. 33. nota ad quaest. 7. vocem λόγος de filio Dei Io. I. 2. adhibitam, auctor exponit *causam primam*. Quae vox egressum filii de patre notat, adeoque ad *personam* filii Dei pertinet, quam a *persona patris*, neutiquam *causae primae* notione, spiritus sanctus dipinxit. Pag. 41. *Quaest. 61.* verba Marc. XII. 29. ubi vate praecunte, DEVS *Israelis*, Deus *unus* dicitur, unitatem de *indiviso imperio* exponit, cum *essentiae tamen unitas* indicetur. Qua de re, si recte memini, iam ab aliis monitus, haud in viam rediit.

Pag. 45. *Quaest. 91.* Ex eo, quod Servator Io. XVII. 6. testatur, se *nomen patris reuelasse* hominibus, colligitur, Christum fuisse *primum*, qui *clarum quiddam de patre hominibus tradiderit*, cum in veteri testamento de Iehoua (*quaest. 92.*) *ordinarie*, qui est *iustitia nostra* (q. 92. 93.) *sermo sit*: ita tamen ut veteres in hoc *discrimen patris & filii* nihilominus (q. 95.) *inciderint*. Prou. 30. 4. Vnde lectorem inferre oportet:

1) Patris nomen (saltem respectu filii ab se geniti) in V. T. non esse clare reuelatum. 2) si qua obscurior *patris* mentio fiat, in eam veteres *incidisse*, in quam videlicet auctor *Prouerborum*, quasi minime *Σιδωνεύος*, *inciderit*.

Pag. 61.

Pag. 61. q. 238. quaerit cur Seruator nunquam se diserte Deum adpellauerit? R. Io. VIII. 50. Meum bonorem haud quaero. Cum satis constet CHRISTVM se Dei filium & Dominum, Matth. XXII. 44. vocasse.

Pag. 82. q. 416. ex Gen. III. 6. 11. Adamo & Euae abiudicat scientiam boni & mali, quos arbor demum vetita tam sapientes reddiderit.

§. II.

Sed speciminis loco sint ea, quae de iustitia Christi, in locum peccati successura, itemque de lege, dicuntur. Haec enim proxime post illa, cursim (§. I.) delibata, sequuntur. De fide, & iustificazione passim ea docet illustrissimus COMES, quae dubito an villo modo possint excusari. Quo fidem aliquis concipere possit, necessarium esse docet, vt Seruator * dei facultatem impetrandi statum filiorum.

* Catech. p. 165. q. 1057. vbi quaerit: Was muß einer Seele wiederfahren, daß sie glauben kan? R. Jesus giebt ihr Macht, ein Kind Gottes zu werden, und an seinen Namen zu glauben. Io. I. 12.

Sed quis nescit filiationem esse post fidem, & ideo dari fidem, vt euadamus filii Dei? Cum ius filiorum sit inter eximias piorum praerogatiuas; omnes autem praerogatiuae nascantur e fide: non leuis est

imprudencia, si quoddam caeleste bonum, quale est *filiatio*, fidem praecedere dicatur. Certe salutis ordinem non licet ita turbare, & ad haec parum deliberata dogmata, sancti deinde Spiritus effata rapere, quasi dixerit ille, quae neque consilio diuino de salute nostra, neque *experientiae spirituali*, vilo modo congruunt. Multo sane aliter IOANNES quem testem adhibet, ibi pronunciat: *Quotquot Christum recipiebant*, ecce fidem! his *filiorum facultatem* & iura donabat, quippe credentibus in nomen eius. h. e. filiorum ius ita proficiscitur e fide, vt fides tendat in nomen Christi, eoque sibi vindicet ea quae Christi sunt: CHRISTI autem est, esse DEI FILIVM. Nam praeterquam, quod ipsum nomen filii Dei, proprium est seruatori; ipso quoque stilo sacro nomen Christi ea omnia complectitur, per quae Christus vt Sospirator noster concepi, atque adeo cunctis ab aliis discerni potest: qua ratione hoc nomen ad totum Christi meritum ac beneficia pertinet; inter quae praecipuum tenet locum filiatio.

§. III.

De *iustificacione* non semel inconsiderate disputat. Quam a CHRISTO consummatam atque confectam * esse docet tunc, cum de cruce pendens, mortem pro nobis obierit. Per eandem fieri putat, vt ** credamus in CHRISTVM. In ipsa catechesi admodum frigide atque *** ieiune hanc totius euangelii medul-

medullam tradidit, in primis de *iustificacione* sub veteri testamento, catechumenon suum prope inconsultum dimittit.

* Biding. Sammlung part. IV. p. 505. Die Rechtfertigung hat Iesus am Holze mit seinem Blute zu Stande gebracht, und der heilige Geist appliciret sie nun ad singulos, ex commissione. Die Heiligung aber, ist des heiligen Geistes souveraines eigenes Geschäft.

Iustificatio conficitur (wird zu Stand gebracht) si fides CHRISTI meritum adprehendit, &, si DEVS proinde nos declarat. pro iustis, sui nempe filii iustitia indutis. Id ut FIERI POSSIT, effecit CHRISTVS, satisfactione praestita pro nobis. CHRISTVS igitur de cruce pendens, non iustificationem, sed satisfactionem pro nobis, consummauit, quae deinde per spiritum sanctum, procreata fide, nobis adplicatur. Ius nobis peperit mors CHRISTI ad iustificationem: ipsa iustificatio in cruce non peracta est. Quod in cruce peractum est, id ad omnes; sed iustificatio ad paucos pertinet.

Hæc si mens est illustrissimo comiti; loqui etiam cum sacris litteris & cum doctoribus piis & prudentibus oportuit, non offendere infirmum lectorem.

Quod additur de *sanctificatione*, eam esse proprium opus spiritus sancti; nolim id eo trahi, ut quod CHRISTVS in cruce praestiterit huc non pertinere dicatur. Nam de meo inquit CHRISTVS, sumet spiritus, quem ego missurus sum. Et profecto, in sanctificatione

ficatione est continua meriti Christi ad nos applicatio, continui actus fidei, per quos ista inualefcit, & in amorem ac reliquas virtutes influit. Certe voces *eigenes und souveraines Werck des heiligen Geistes*, praesertim ubi non tantum opus Christi, sed etiam opus spiritus sancti, quod ille ex mandato (*ex commissione*) agat, aduersa regione positum fuit, nequaquam liquido manant riuo. An non & ipse CHRISTVS est is, qui nos *sanctificat*? Eph. V. 26. 27. Tit. II. 14. 1. Io. I. 7. Luc. I. 75. Et pater? Io. XV. 2.

Satis notum est, *sanctificationis* negotium, spiritui sancto, singulari modo tribui, quod nemo nescit e nobis aut negat. Verum COMES iam dixerat de *iustificatione*, Der heilige Geist appliciret sie *ex commissione*. Sed ab eo, quod spiritus sanctus *ex commissione* (nos per *adproprietationem* dicimus) peragat, statim id distinguitur, quod sit *proprium & independens* eius negotium: tale fortassis quod facturus erat, tametsi Mediator nullus venisset. Id propemodum indicare videntur, quae alibi pronunciat, in der Erklärung über A. Groß unpartheyischen Bericht ad §. 81. Im übrigen ist der Heyland nicht eigentlich darum gestorben, daß er uns heiligen möchte, darum seyn wir geschaffen worden; sondern er ist darum gestorben daß er uns mit seinem Vater ausöhnen möchte. Verum, sicut olim ad imaginem Dei creati, ita nunc ad *sanctificationem* vocati adeoque & redempti sumus, iudice Paulo 1. Thess. IV. 7. Luc. I. 75. Nonne per *sanctificationem* imago diuina magis in dies singulos instauratur? Nonne CHRISTVS ideo mortuus est, vt imago illa nobis redderetur, tum in hac, tum in altera vita?

vita? Quid expiatio CHRISTI nobis prodesset, nisi per eandem *sanctificatio* nostri praestaretur? Quid? quod ipsa Christi morte, spiritus sancti missio ad homines CHRISTO deuouendos, parta fuit? *Io. XVI. 7. Tit. III. 5.-7.*

“ 2. *Petr. I. 1.* Haec verba de graeco sic vertit in germanicum: *Denen, die durch die Rechtfertigung unsers Gottes und Heylandes Iesu Christi gleichen Glauben bekommen haben.* Lege, si placet, nouum eius Testamentum *germ. b. l.* Possit huic sensui medela quaedam adferri, si dicas, (quod B. BVDDEVS, disputatione in hanc rem, M D C C X X I V. edita, contendit) *iustificationem ipsius Christi*, hic intelligi, quae nempe in eo posita sit, quod Sospirator noster, expiatione confecta, liber & immunis a peccatis in sese receptis, a iudice iam placato, pronunciatus sit. Verum, nec ista sacri codicis *phraseologia* satis certa haberi potest; neque, si vel ipsa sit extra dubium, hoc loco valere possit. Nam *δικαιοσύνη, iustitia*, hic ponitur, quae nullo plane modo, *iustificationem*, id est actionem, notare potest.

*** De *iustitia Christi* agere incipit catechetes *pag. 85. responsione ad q. 435.* Indicant litterae *maiusculae*, quibus vox *Gerechtigkeit* exarata est, quod in hoc libro sic vbique fieri, tum oculus docet, tum ipsa auctoris admonitio, alibi aduersus censores supeditata. Haec igitur *imputata Christi iustitia*, seu *iustificationis* doctrina, totius theologiae acropolis, vix tribus quaestionibus, iisque frigidissimis, absoluitur.

nitur. Complectemur eas, eodem ordine, quo ponuntur.

1.) *Aeternus Amor Dei* meditatus erat ab aeterno mysterium, futuris temporibus reuelandum, *Col. I. 26. Eph. III. 9. Quaest. 434.* 2.) Id mysterium erat *iustitia, omnibus in quos peccatum transferat, acquirenda Rom. V. 18. Quaest. 435.* 3.) Ad illam iustitiam peruenire homines in V. T. (nam de illis ei sermo est, *q. 438.*) debebant, *per notitiam Christi Ies. 53. Quaest. 436.* 4.) Eo de mysterio veteres aliquid notitiae habuerunt, quippe *rimantes quae & qualia tempora praemonstraret spiritus Christi 1. Petri I. 11. Quaest. 437.* 5.) Quin id ipsum saepe viuaciter intelligebant; nam *Abrahamus diem Christi ouans adspexit, Io. VIII. 56. & angeli summo id mysterium desiderio spectabant 1. Petri I. 12. Quaest. 438. 439.*

En tibi totam de *iustificatione* doctrinam, tam angusto comprehensam gyro, vt admiranda foret haec methodus, si, quam breuiter, tam solide neruoseque, rem expediret. At breuii libello breuis conuenienter explicatio? Inquis. Nec abnuo; si lactis alumno catechetici, hac breuitate consulatur: si nihil obscure, nihil finistre, de summa salutis, contraque nihil fusc ac verbose de rebus aliis, vt de *discipulatu*, p. 225. - 240. & aliis, eo ipso libello dicatur. Nam illa profecto, quae de *iustificatione* hic disputantur, neque SOCINVM ab ista catechesi, neque fratrem BIFFELIVM deterreant. Sed singula lustremus.

Qualis hominum in V. T. fuerit *iustificatio*, illis e
quaestio.

quaestionibus, bone lector, mihi decide. Peruenire ad illam debuerunt, *per notitiam Christi*, teste IESAIA. Recte haecenus. Ita enim ABRAHAMVS de quo statim agitur, ad illam peruenit. Illa quippe notitia est *fides* in Christum. Qui sit autem, cum ABRAHAMI mentio iniicitur, quod non fides ABRAHAMI classicis ex oraculis noui testamenti, c. c. *Rom. IV. 1. ff.* demonstratur? An non locus hic erat eam demonstrandi? neque enim Iudaeis hunc libellum scripsit: qui solo essent e Veteri testamento contuicendi. Aut cur ad illum IESAIAE, quem attulit locum, reliqua non addidit: *Portat enim eorum peccata?* in eo enim cardo rei vertitur: atque id est, quod nolit DIPPELIVS. Non id inuidiose dictum velim, aut eo consilio, vt dogma Dippelii cuiquam innocuo impingam. Sed candide tamen ac sincere haec sacra doceri cupio, in eo praesertim loco, vbi sedes sit propria totius argumenti. Sed pergamus. Homines ad iustificationem peruenire debuerunt *per notitiam Christi*. Si quaeras, quanam illa fuerit? statim subiicitur: veteres, aliquid eius rei nouisse, dum tempora noui testamenti praesenserint. Quid hoc rei est? An PETRVS isto loco, vbi haec dicuntur, de *iustificatione* agit? An sub veteri testamento homines, ea notitia iustificati sunt, qua prospiciebant illustres N. T. praerogatiuas? PETRVS ibi de *prophetis* agit ac de angelis: illine ergo sunt, quibus obtigit *iustificatio*? Quid misera de plebe fiet, cui nihil istius reuelationis praecipuae concedebatur? Porro cur ABRAHAMI postea & angelorum exempla subiicit? Quotus quisque id cum angelis, vel ABRA-

HAMO, commune habuit, quod CHRISTVS ei proprium praeceptumque detulit? Cur non *fidem* Abrahami, quam *ισόριμον* habuit pius quisque, catecheta commemoravit? Nam ista certe lectorem inconsultum dimittunt, aut in eam deducunt cogitationem, vt existimet, in V. T. praeter vates & ABRAHAMVM ceterosque paribus praerogatiuis maētatos, *iustificatum fuisse neminem*: adeoque *iustificationem* esse *beneficium* credentibus noui testamenti, ceterisque, qui sub veteri lege, ad hos proxime per singularem gratiam accesserint, plane proprium atque praeceptum. Nam *quaestio* 492. vbi veteres *eadem gratia*, quae datur sub nouo testamento, salutem adepti dicuntur, per illa quae modo dicta sunt, infirmatur: cum *gratia CHRISTI* ad *prophetas*, angelos, & *Abrahamum* noui testamenti gloriam prospectantes, illic restringatur. Nihil attinet sentire aliud: cum hoc loco de *professione* ac *institutione catechetica* dicamus, quae certe talis esse non debet, quae lectori, vel catechumenis, pro bono & vero sensu, periculosa quaelibet & sinistra suggerat, cum vbique prostant meliora, saltemque *catechetica* eiusmodi imprudentia, alienam offensura pietatem, & incautos deceptura, temere frustra in mediam *ecclesiae* lucem propellatur.

§. IV.

De *Lege* quae in hoc libello miscentur, maximam produnt auctoris imprudentiam.

Primo

Primo *foedus legale*, * veteri testamento proprium, in quo latuit idem quod nunc veneramur *euangelium*, tumultuarie tractat: quod euangelicum est, & perpetuum, non discernens ab externo transituroque cortice: & rursus eundem *corticem legalem* in nouo testamento deciduum, permittet cum *lege morali* perenni ** ac perpetua: quin ipsum *legis moralis abusum*, ad legis naturam necessariam sub veteri testamento, refert, adeoque vsum perpetuum & salutarem, cum *abusu*, praeter legislatoris destinationem semper, ac nostris vel maxime temporibus metuendo, confundit. Deinde, hac deceptus opinione, omnes piorum infirmitates, *** quas *lex moralis* inde ab ortu suo, ad finem vsque *regni gratiae*, detegit & accusat, ad *vetus testamentum* refert. Denique, nescio quam piorum sub veteri testamento *miseriam* crepat, quam legi a Deo sancitae tribuit.

* Legis definitionem tradit p. 85. q. 442. complexum praeceptorum atque dogmatum ex Eph. II. 15. vbi tamen de caerimoniali PAVLLVS nominatim disputat. Sic q. sequente, 443. oraculum PAVLLI Gal. III. 19. quod manifesto de foederi legali capiendum, subiicit; quo etiam pertinet q. 445. vbi lex supra quatuor saecula

recentior dicitur promisso, e verbis **PAVLLI Gal. III. 17.** Iam vero *lex moralis* ibi non potest intelligi, vt quae cum homine nata, & **PAVLLO** teste, ipsis paganorum animis est inscripta. *Noua* autem eius *promulgatio* fuit talis, quae admixta haberet praecepta rituum, abolenda suo tempore, adeoque nouam quandam *foederis* formam, postea desitutam, complecteretur. Quae profecto tota promulgatio probe discernenda est ab illa parte promulgata, quam *legem* dicimus *moralem*. Et tamen compendium legis illius confestim addit **Marci. XII. v. 30. 31. a. morem Dei & hominum, eundemque numeris omnibus absolutum.** Ab eo loco quae sequuntur, ad *legem moralem* omnia pertinent, mira confusione. Donec **q. 463. verba Psalmi 147. v. 19.** quae de beneficio *reuelationis euangelicae* potissimum agunt, sola de lege interpretatur, ex iisque comprobat, *populum Iudaicum legi fuisse subiectum*, eo sensu, quo **PAVLLVS** meriti *proprii iactatores & satisfactionis Christi* spretores ea phrasi notat: cum illic tamen de praerogatiua *Iudaeorum* prae gentibus externis agatur, quae in eo maxime ponenda, quod *euangelium*, licet foedere legali inuolutum, apud ebraeos, singulari beneficio diuino, vigeret. Haec omnia vel callide, vel imprudenter, ita perturbat catechetes, vt, eum postea *legem abrogatam esse*, comprobat, ipsam illam *legem*, cuius compendium amor est, antiquatam & ex ecclesia noui foederis relegatam esse, lector intelligat. Quod sane virus nequaquam cum lacte catechetico, praesertim in tanta sanioris doctrinae luce, ac post
moni-

monita toties ingeminata, mentibus erat instil-
landum.

“ Qui *Antinomorum* placita postliminio in eccle-
siam reducit, inter alios errores vana *perfectae* fan-
ctitatis fiducia niti potest; securus, quam neces-
saria sit *contritio* a spiritu sancto *per legem* produ-
cenda; & quam nullum Deo possimus obsequium
praestare, nisi explorata illius *bona*, & *probata*, &
perfecta voluntate Rom. XII. 2. Audiamus igitur
Catechetam nostrum: p. 91. *quest. 483. Was war*
also der Zweck des Gesetzes? R. *Was das Gesetz de-*
nen sagte, die unter dem Gesetz waren, geschah da-
rum, daß aller Mund gestopft werde, und alle Welt
Gott schuldig seye. Rom. III. v. 19. *Pergit quest. 485.*
Und also war das Gesetz nur auf eine Zeit gemeinet?
R. *Sie wurden unter dem Gesetz verwahrt und verschlos-*
sen bis auf den Glauben der da sollte offenbahret wer-
den: und also hat das Gesetz an ihnen gezogen und ge-
macht bis auf Christum, Galat. III. 23. 24.

Nemo non videt, oraculum Paulli *questione 483.*
tam male habitum, agere de *lege morali*, e quo est
agnitio peccati, quod ipse catecheta statim *quest. 484.*
e Rom. III. v. 20. vel inuitus dat probatum. Vide
autem, quam sublesta fide sanctissimum hoc nego-
tium agat. Primo mutat *sensum* verborum mutata
temporis mentione, *Was das Gesetz SAGTE denen*
die unter dem Gesetz WAREN: cum in graeco
sit *λέγει*, neque postea praeteriti, temporis adsit ve-
stigium. De quo tam conuictus fuit, ut *meta-*
phrasi noui testamenti, verum fateatur: *Was das*
Gesetz.

Gesetz sagt denen die drunter seyn. Porro & in illo torquet oraculum PAVLLI, tum in *metaphrasi*, tum in *catechesi*, quod ita conuertit: *Was das Gesetz denen sagt die unter dem Gesetz waren set.* cum Paulus dicat: ὅσα ὁ νόμος λέγει, τοῖς ἐν τῷ νόμῳ λαλεῖ, sicut & ipse BENGELIVS interpunxit. Præcipua autem illa est fallacia, quod οἱ ἐν τῷ νόμῳ obnoxii *legi*, tales venditantur, qui sub disciplina legali veteris testamenti fuerint. Quod perniciosius nihil dici potest. Quis enim, quaeso, est ille, *qui sub lege* dicitur? Tota docet oratio PAVLLI. Ille nimirum, qui lege sic abutitur, vt *suis meritis legi satisfacere studeat*, indeque se iustum, & in foro diuino irreprehensum, excluso Sospitatoris merito, fide suscipiendo, insana temeritate, fastuque pernicioso, gloriatur: quales tunc temporis erant iudaei, contra quos, more CHRISTI, disputat PAVLLVS. Quisque hoc modo, legis fiducia salutem quaerit, is recte *sub lege esse* pronunciatur. Nam 1) lex totam & plenissimam ab eo poscit obedientiam, quam neque *per se potest*, neque aliena, id est *Christi opera*, vult praestare. Igitur 2) est sub lege, respectu *maledictionis*, quam lex plenis in eum buccis denotat: quoniam ipse, hanc maledictionem, in victimam piacularem deuolutam, haud agnoscit vel adprobat. conf. Gal. III. 10. quod denuo turpiter deprauatur *quest. 469.* vbi de solis veteris testamenti sanctis, iisdemque legi obsequentibus, exponitur.

Quid ad haec NOSTER? sub lege eos esse agnoscit, qui fuere sub oeconomia legali veteris testamenti.

menti. Nam homines dicit sub lege fuisse, q. 485. ad illud usque tempus, quo Christus adpareret in carne.

*** 1.) Quicquid de lege morali sacer codex nota praesentis temporis exhibet, id ille nouus magister tanquam praeteritum enunciat. q. 450. War das Gesetz gut? & sic in sequentibus perpetuo. Quod excusari posset, nisi disertis verbis legem in N. T. abrogaret sicut vidimus not. ** & quaest. 463. Wer kam also eigentlich unters Gesetz? R. Er zeigte Jacob sein Wort. cet.

2.) Videamus, quo loco NOSTER sanctos habeat sub veteri testamento, immo quid de DEO, foederis legalis auctore, lectorem sentire cogat. Paucis recensere hanc systematis catechetici partem: (1) Deus Israel manifestans oracula sua, hunc populum subiecit legi qu. 463. sub promisso vitae, si legem implerent, & comminatione mortis, si violarent, q. 464. 465. (2) Inde factum, ut iusti ante fidem adparentem, non essent sine labe, quales sint sancti sub nouo foedere Col. I. 22. q. 466. (3) Hi quoque qui legis opus facerent, maledictioni erant obnoxii. q. 469. Quoniam lex non poterat efficere perfectos Ebr. VII. 19. qu. 470. (4) atque adeo via ad sanctitatem tunc nondum erat patefacta. Ebr. IX. 8. q. 471. (5) Igitur Moses, Dauid, Salomo, Assa, Iosaphat, Hiskias, Iosias, tantis implexi peccatis; quin sanctus quisque tantam immerfus in miseriam:

nis tunc quidquam proficiebat; quoties, qui legem MOSIS violaret, ei sine misericordia moriendum esset.
q. 480. 481.

Ad (1) Grande fuit beneficium reuelatio data Iacobi posteris. Caput eius reuelationis erat *euangelium*, ad salutem illis datum. Nam ea ipsa reuelatione *Messias* propositus: partim verbis, partim *typis caerimoniali lege* definitis. Quare qui huius legis opus faciebant, ii perpetuo, in *Messiae* satisfactione ac beneficiis occupabantur, teste ad *Ebraeos epistola*, & ipso DAVIDE, qui tot hymnis, ista sub oeconomia, CHRISTVM eiusque beneficia cantavit. Quod fufius hoc loco demonstrare nihil attinet, cum sit publicum ac praelustre totius ecclesiae dogma, quod si quis impugnat, a cactu cultorum CHRISTI secedit. Ceterum, quoniam operosior & molestior erat ille cultus, & ad noui testamenti lucem, obscurior: inde fit, vt *paedagogus* ista lex adpelletur, sub quo *fili*, id est credentes & iustificati, durius habebantur, ne ista *puerili* ecclesiae aetate, luxuriarent *Gal. III. 19.* Longissime igitur abest a vero, quod subnectitur; hanc reuelationem fuisse talem, vt *perfectissimam legis obedientiam per opera legalia* poposcerit. Deus enim isto *legali foedere*, quod & *euangelium* recte dicitur, nihil volebat aliud, nisi vt *perpetuum fidei in Messiam actus ederent*, tametsi molestiore cultu externo velatos. Atque id sancti omnes, tam acerba notati censura, fecerunt.

Ad (2) Ea labes sanctorum aut inhaesit eis propter defectum bonorum operum, aut propter defectum expiationis e Messia per fidem petendae. Quod si posterius

posterius contendit, nemo in V. T. vitam aeternam consecutus est. Prius igitur valebit; & comprobatur a NOSTRO effatis IOBI & IESAIÆ, hætenus optime. Sed pessime dictum in *praeterito*, quasi solis de fidelibus V. T. istud verum esset. Repugnat *Ioannes* in *epistola*, qui sub nouo foedere mendacii reos agit, quicunque labis prorsus expertes sese dicunt. Repugnat omnis piorum experientia. Quod autem addit de sanctis N. T. quos Col. I. 22. PAVLLVS sine labe sistit: id erubescenda leuitate opponitur puritati piorum in V. T. Nam PAVLLVS eam puritatem manifesto deriuat ab *expiatione Christi* per fidem in nos translata, siue, a *iustificatione*, qua ipsa *Christi sanctitas* nobis imputata, labern tegit omnem, tum in ipsa iustificatione, tum in studio sanctitatis, in quo diligentissime versantes, tamen orare a CHRISTO docentur: *remitte nobis debita nostra!* Sed hic nimirum scopulus est, in quem turgida NOSTRI vela nauiculam illidunt. Nam, quod omnem superat impudentiam, ista Seruatoris nostri verba: *Libera nos a malo*, ad illos pertinere dicit, qui *sint sub lege*, quæst. 497. *Was ist also der Seelen unter dem Gesetz ihre Hauptbitte? R. Erlöse uns von dem Bösen, Matth. VI. 13.*

Ad (3) Paulli verba admodum sinistre ac dolose tractantur. Gal. III. 10. Nam aduersum eos ibi disputatur, qui quaelibet opera legis, excluso CHRISTO, & fide in illum, ad salutem sufficere nungan-

legalia, id est quae *fidem & Christum* excludunt, caelum superare? An id proprium legali fuit oeconomiae, ut nonnulli, *CHRISTO repudiato*, suis confiderent meritis, atque ideo diras legis execrationes sibi cumularent quas amoliri poterant per *CHRISTVM*?

Verum hic denuo finititer abit. Nam illud *opus legis* intelligi vult, quod *perfectos facere non posset*, qui talibus *sacris operarentur*, ex *Ebr. VII. 19.* Ergone, qui *opus legis ceremonialis debite facerent*, ideo *maledicti erant*? Deditanda sanctissimo *PAVLLLO* naenia. Nam vidimus, quales *PAVLLVS Gal. III. 10.* depinxerit, quos *operibus legis fidere*, pronuntiabat. Contra qui sic faciebant *opus legis*, ut exinde perfecti non fierent, id est non omnes consequerentur beneficiorum partes vel gradus, qui e *CHRISTO* redemptore percipi sub nouo testamento possunt; hi fidem suam exercebant *in cultu Leuitico* (nam *Ebr. VII. 19.* aperte de illis agitur) ita ut iustitia Seruatoris exinde potiti, sanctitatem, fidei filiam indiuisam, exoscularentur: nec tamen ideo praerogatiuas fidelium sub nouo foedere viuentium, impetrarent.

Subsistamus hic paulisper. Lex, quae consummare non potuit eos, qui eam obseruarent, *q. 470. & 469.* est lex caerimonialis, euangelii vehiculum. Quod docet *Paullus Ebr. VII. 19. si.* Lex eadem, ex *hypothesi*, sui cultores, diris deuouit & oppressit, quod diserte adfirmat *NOSTER q. 469. coll. cum 470.* quarum prior sic habet: *Wer aber auch des Gesetzes*
Werck

Werck thut? R. *Die mit des Gesetzes Werck umgeben, die sind unter dem Fluch. Gal. III. 10. Posteriores accipe: Wie dann so?* R. *Das Gesetz konnte nicht vollkommen machen. Ebr. VII. 19. Iam, quid inde necessario nexu consequitur? Deus, legis illius auctor est, quae consummare sui cultores nequiuit. Quod ne Iudaeus quidem abnuit. Deus igitur legem illam obseruari voluit. Immo Deus obseruantibus istam legem e. c. circumcissionem, donauit fidem, & iustificauit eos; ac per sacrificia rite oblata, fidem in MESSIAM confirmauit. Sed catechesis noua, obseruantes legem istam, hanc ipsam ob causam quod facerent iussa legis, diris & exitio deuotos fuisse docet, eo quod lex consummare non posset illos. Ergo Deus legem quandam obseruari iussit, cuius obseruatio homines aeterno deuoueret exitio. Scio auctorem huius libelli hanc execrabilem sententiam detestaturum esse, nec eandem ego illi impegerim: sed profecto talis est quam ex eius catechesi, lector non aliunde munitus, necessaria consecutione deduxerit. Ne dicam, quid de salute iudaeorum, in V. T., tali rerum facie, statui debeat.*

Ad (4) Mera libido est, oraculum Paullinum Ebr. X. 8. ad eum detorquere sensum, cui pessima quaedam, eaque satisfactioni seruatoris infesta familia, tantopere fauet. Nusquam enim scribit PAULVS, viam ad sanctitatem nondum fuisse adaptatam; sed viam in sanctum sanctorum tunc nondum patuisse,

taphrasin, & recte quidem, emendat. **LVTHERVS** enim verbis, non sententia, secessit. Sciuit igitur catecheta, non esse illum sensum in hoc oraculo, quem tamen, in gratiam erroris sui, fouere quam abdicare maluit, tam pronus alibi ad **LVTHERVM** deferendum vbi minime debuit. Iam vero audacter, *viam ad sanctitatem* fidelibus V. T. nondum *paruisse*, causatur; atque ex hoc fonte sanctissimorum illius temporis hominum peccata deriuat: quorum iustitiam *instar panni menstruatae*, detortis **IESAIAE** verbis, q. 468. fuisse criminatur. *Sie (das GAN-TZE gesetzliche Volck cum Iesaias de impiis in eo populo loquatur) waren insgesamt wie die unreinen, und alle ihre Gerechtigkeit war wie ein unsätig Kleid Jes. 64. 6.* Quo contumeliosius in **CHRISTVM**, cuius illi sancti iustitiam induerant, vel e caco-daemonis rictu exire nihil potest. Confer q. 469. quae rem aperit.

Ad (5) Huius igitur miseriae omnium sanctorum q. 479. causa fuit, illa legis a Deo latae imperfectio: *Weil kein Gesetz gegeben ist, das da konte lebendig machen d. l. Gal. III. 21.* Quasi Christi satisfactio foedere legali tunc proposita, viuificare potuerit nemini, & nihil fuerit aliud, nisi quod **PAVLLVS Gal. III. 21.**, intelligat: cum iste de nefario legis ad salutem consequendam abusu, quatenus **CHRISTVS** & fides per illum excluditur, ibidem manifesto loquatur.

Iam vero miras adspice nugas: *Moses id fatum habuit, ut promissa terra excluderetur q. 472. David*
ab

ab aedificando templo fuit prohibitus q. 473. Salomo irritavit iram Dei ad immittendas ei aerumnas q. 474. Asa, Domino omisso quaesuit medicos q. 475. Iosaphati opera Deus fecit irrita q. 476. Hiskiam Deus ita deseruit, ut eum tentaret q. 477. Iosiam Deus carpit, propter lapsus aliquos, ita tamen, ut preces eius audiret, & morte interposita futuris eum calamitatibus eriperet q. 478. Haec ingens omnium sanctorum calamitas, inde nata, quoniam Deus legem nullam dederat, quae homines viuificaret. Cor hominis! Hi sancti sub V. T. ita lapsi sunt: ergo eodem modo lapsi sunt eius temporis Omnes: das große Elend ALLER Heiligen unter dem Gesetz kam daher, weil kein Gesetz gegeben ist, das da konte lebendig machen. Cur quaelo SAMVELEM, ELIAM, ELISAEVM, IESAIAM, & reliquos, non commemorat? An illi sub nouo vivere testamento? & non sub eadem lege, quam ille tantis conuiciis infectatur? Aut quale istud argumentum? Pii homines & ex parte *ἁγίων*, qualis certe DAVIDES, lapsi sunt: Ergo oeconomia sub qua vixerunt, eorum lapsum culpam habet? Quid? si labuntur sancti sub nouo testamento? an ideo deest in nouo foedere gratia viuificans? aut nulli fortasse hoc tempore sancti sunt, qui peccare queant ac peccarint ipso facto? Hoc Ithacus velit, & magno mercentur Atridae.

Ad (6) Totum id, quantum quantum est, largimur. Quodsi vero PAVLLVS istas querelas de

seos auctor ignorat, *carnem inesse sibi, qua obtemperet legi peccati*, quod PAVLLVS ibi de se queritur: discere ex illo lubet, an haec ipsius *scandala catechetica* a spiritu sancto, cor eius inhabitante, perfecta sint? an hi sint *fructus spiritus*? an *veritas*? vtrum *caro* an *spiritus* scandalorum auctor sit? an denique sit ipse cuius *veteris testamenti*, eo quod ita transuersus abeat a vero?

Ad (7) An in nouo testamento effusio sanguinis Christi nihil habet valoris ad noxas expiandas, quoniam nunc quoque illis non opitulatur, qui legem MO-
SIS destinato consilio violant, id est voluntariis peccatis indulgent?

F I N I S.



VAA
1529501